



Broj: 05/1-50-14-51-23/11
Sarajevo, 21.12.2011. godine

ZAPISNIK

23. sjednice Nezavisnog odbora Parlamentarne skupštine BiH

Sjednica je održana 21.12.2011., s početkom u 11 sati.

Sjednici su prisustvovali članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Zijad Kadić, Stanko Nuić, Ljubomir Kuravica, Enes Obralića i Viktor Dadić.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara i Senad Zlatar iz OHR-a, Medina Delalić iz Sektora za odnose s javnošću Sekretarijata Parlamentarne skupštine BiH i Adna Teskeredžić, volonter u Parlamentarnoj skupštini BiH.

Sjednicu je sazvao Žiko Krunić, predsjednik Nezavisnog odbora. Konstatirao je da postoji kvorum za rad te otvorio sjednicu. Nezavisni odbor jednoglasno je usvojio sljedeći

DNEVNI RED

1. Intervju s kandidatima za direktora Državne agencije za istrage i zaštitu;
2. Utvrđivanje rang-liste uspješnih kandidata s kojima je obavljen intervju;
3. Tekuća pitanja.

Ad.1. Intervju s kandidatima za direktora Državne agencije za istrage i zaštitu

Predsjednik Nezavisnog odbora Žiko Krunić u uvodu je napomenuo da su na intervju pozvani kandidati koji ispunjavaju uslove javnog konkursa i čije su prijave prihvaćene.

Kandidati su pozivani abecednim redoslijedom prema njihovim prezimenima.

Prvi je na intervju pozvan Novo Blagojević, zatim Rade Dostanić, Goran Lujčić i Goran Zubac.

Predsjednik Nezavisnog odbora Žiko Krunić je na početku razgovora svakom kandidatu predstavio članove Nezavisnog odbora, upoznao ih je s odredbama čl. 6. i 7. Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine.

Članovi Nezavisnog odbora postavljali su kandidatima pitanja koja su im mogla pomoći da ocijene kandidata, a koja su u skladu s Odlukom o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine.

Nakon obavljenog razgovora sa svim kandidatima, predsjednik Nezavisnog odbora Žiko Krunić podsjetio je prisutne na odredbu člana 17. stav (2) Poslovnika o radu Nezavisnog odbora kojom se propisuje da gosti ne mogu biti prisutni u dijelu sjednice kada se buduju i ocjenjuju kandidati. U daljnjem toku sjednice javnost je bila isključena.

Ad. 2. Utvrđivanje rang-liste uspješnih kandidata s kojima je obavljen intervju

Predsjednik Nezavisnog odbora Žiko Krunić konstatirao je da će članovima biti podijeljeni obrasci za ocjenjivanje kandidata koji su ovjereni pečatom Parlamentarne skupštine BiH. Od ukupno jedanaest obrazaca članovi Nezavisnog odbora dobili su po jedan obrazac, a dva neiskorištena obrasca bit će arhivirana zajedno sa ostalim aktima sa sjednice.

Članovi Nezavisnog odbora ocijenili su svakog kandidata pojedinačno i na osnovu pojedinačnih ocjena utvrdili broj bodova za svakog kandidata, i to:

1. Goran Zubac 72,22 boda
2. Goran Lujić 45 bodova
3. Novo Blagojević 37,22 boda i
4. Rade Dostanić 34,44 boda.

U skladu s članom 13. Poslovnika o radu Nezavisnog odbora kao nezavisnog tijela policijske strukture Bosne i Hercegovine i članom 9. stav (2) Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, članovi Nezavisnog odbora utvrdili su rang-listu s imenom Gorana Zupca kao jedinog uspješnog kandidata i dostavili je ministru sigurnosti BiH na daljnji postupak. Ministru sigurnosti BiH dostavljena su i imena ostala tri kandidata koji nisu ispunili uslov iz člana 13. stav (2) Poslovnika o radu Nezavisnog odbora, jer nisu osvojili više od polovine maksimalno mogućeg broja bodova.

Ad.3.Tekuća pitanja

Nije bilo rasprave u okviru ove tačke dnevnog reda.

Sjednica je završena u 15 sati.

NAPOMENA: Sastavni dio Zapisnika čini tonski snimak sjednice.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić